

## TESALONIKADENŌ TAKADA PLADE

### *Yákpatekena Kirisi sugɔɔa*

<sup>1</sup> Makū Pɔlu kū Silasio kū Timɔtio, ókɔnɔ mé o takada díkĩna kè Tesalonika sɔsi gbē kū ò kú Luda ó De kú Dikiri Yesu Kirisioo gūnnɔnɛ. <sup>2</sup> De Luda kú Dikiri Yesu Kirisio gbēke keáre, à á gba aafiaa.

<sup>3</sup> Ó gbēnɔ, à kù ògɔ Luda sáabu kpá á yā musu gɔɔo sīnda pínki, lákū à mana nà, zaakū á ludanaanikena ten gé are manamana, akūsɔ yenyĩ kū á baadi vĩ kú kɔo ten kara. <sup>4</sup> Abire yāi odì lé gbē á yā musu Luda sɔsinɔ gūn, lákū áten wétāmma kú wari pínkió fɔ nà kú menao kú ludanaanikenaao. <sup>5</sup> Abire m̀wɛɛ kú Luda dì yā gɔgɔ kú gbēnɔ a zéame. Abire yāi a ka à gē kpata kú à bò Luda kīnaa gūn kú áten wari ke a yāi. <sup>6</sup> Luda dì yā ke a zéame. Ani wé tã gbē kú òten wé tãáwanɔ, <sup>7</sup> ani ákɔnɔ kú òteni wé tãáwanɔ gba ĩampaki kú ókɔnɔ, tó Dikiri Yesu bò ludambe kú a malaika gbānanɔ <sup>8</sup> kú tévuraa. Ani wé tã ludad̄risari kú odi ó Dikiri Yesu baaru nna sironɔa. <sup>9</sup> Kakatena lakanasarin Luda ni wé tãormma. Oni n̄ kpake Dikiri are kú a gbāna gakurideo. <sup>10</sup> Tó à sù gɔɔo pì zĩ, ani tó bo a gbēnɔ yā musu, gbasa a náanikerii pìnɔ a mana bo n̄ pínki. Anigɔ kú n̄ té, zaakū a yā kú o òáre sì.

<sup>11</sup> Abire yāin odigɔ adua keáre baala'i, de ó Luda tó á kunna ká gwena kú à á sísia, à yā mana kú a ze kú a kēnaonɔ kú zĩ kú áten ke a náanikenaa gūnnɔ pínki papaáre kú a gbānao. <sup>12</sup> Dikiri Yesu tó ni bo á

musu, ákõnõ sõ á tó ni bo a musu ó Luda kũ Dikiri Yesu Kirisi pìio gbẽke yãì.

## 2

### *Ludayādarisari*

<sup>1</sup> Ó gbẽnõ, Yesu Kirisi suna kũ ó kõkakaranaao de ò daale yã musu, o wé kèáwa, <sup>2</sup> àsun tó á laakari fute aragaro. Tó annabi yãke waazi ke takada kũ ò pì à bò ó kĩnaa pì, Dikiri sugõrõ kà kò, àsun bídi kero. <sup>3</sup> Àsun tó gbẽke á sãte kũ yã bire takaoro, zaakũ gõrõ bire ni suro, séto gbẽnõ bona Luda kpɛ gõrõ kà gĩa kũ ludayādarisari kũ à m̀i pè kakatena zéa bona gupuraa. <sup>4</sup> Ani gí pó kũ òdi ñ dite dikiri ũnõ kũ pó kũ òdi donyĩ kèñnenõ pínki, ani a zĩda bi deñla, ani gé à vute Luda kpén, à a zĩda dite Luda ũ se. <sup>5</sup> Gõrõ kũ má kú kááo ma yã p̀i òáre. Ádi dõnloo? <sup>6</sup> Á dõ pó kũ àteni a dādā de àsun bo a gõrõ áro yá? <sup>7</sup> Zaakũ ludayādanasari tenõ tá asiri gũn kò. Ani boro, séto gbẽ kũ àten kpáne gò zén baasiro, <sup>8</sup> ludayādarisarii p̀i ni gbasa à bo sà. Dikiri Yesu ni a de kũ a lé'iao, à a kakate kũ a suna gakurio. <sup>9</sup> Ludayādarisari p̀i ni su kũ Setan gbãnao à daboyãnõ kũ yãbonsarenõ ke kũ sèeda éke buri sĩnda pínki. <sup>10</sup> Ani manafiki buri sĩnda pínki ke gbẽ kũ ò m̀i pè kakatena zéanõne, kũ ò g̀i yãpura kũ ani ñ sura bai yãì. <sup>11</sup> Abire yãì Luda ni likarana pāsĩ zĩmma de ò éke náani ke. <sup>12</sup> Yã ni gbasa à vute gbẽ kũ odi yãpura síro kũ òdi põnna ke kũ a vānionõa ñ pínki.

### *Luda á sé de à á sura ba*

<sup>13</sup> Ó gbẽ Dikiri yenyĩdenõ, à mana ògõ Luda sáabu kpá gõrõ sĩnda pínki á yã musu, zaakũ Luda á sé zaa

káaku, de à bo kũ a Nini kũ à tò o gõ a pó ũ gbãnao á yãpura sina yãí. <sup>14</sup> Luda á sísi à á sé baaru nna kũ o kpàáre yãí, de á baka gõ kú ó Dikiri Yesu Kirisi gakuri gũn. <sup>15</sup> Abire yãí ó gbẽnɔ, à ze gbãna, àgõ yã kũ o dàáre kũ léo ke takada gũn kũna. <sup>16</sup> Ó Dikiri Yesu Kirisi kũ Luda ó Deo yewáí, a gbẽke gũn à ó laakarii kpàteƵere ari gɔɔ sɪnda pínki, à tãmaa mana dàógu. <sup>17</sup> À á laakari kpátéáre, à á gba gbãna yãmanakena kũ yãmana'onaa gũn pínki.

### 3

#### *À adua keƵere*

<sup>1</sup> Yã kũ à gõn dí, ó gbẽnɔ, à adua keƵere, de Dikiri yã le à dagula likalika, àgõ bèere vĩnne lákũ à vĩ á kĩnaa nà. <sup>2</sup> À adua keƵere de à ó bo gbẽ vãni ðɔɔsaridenɔ ɔĩ, zaakũ adi ke gbẽ sɪnda pínki mé à Luda yã sìro. <sup>3</sup> Dikiri náani vĩ, ani á gba gbãna, ani á sí a vãnia. <sup>4</sup> O á náani kè Dikiri gũn kũ átɛn yã kũ o óárenɔ ke, akũsõ áni gõ ke. <sup>5</sup> Dikiri tó à Luda yenyĩ kũ Kirisi menao gbáze dõ á swèn.

#### *Òsun ma'ã kero*

<sup>6</sup> Ó gbẽnɔ, o naáre Dikiri Yesu Kirisii, à kè ó gbẽ kũ ò ma'ã vĩnɔa, kũ òdi zĩ ke kũ yã kũ o dàńneoronɔ. <sup>7</sup> Á dõ kũ á zĩdao, kũ à mana àgõ té ó ágbai, zaakũ ma'adenɔn ó ũ gɔɔ kũ ó kú á téro. <sup>8</sup> Ódi gbẽke póble sí o blè fĩnabonaa sariro, o zĩ kè gwãani kũ fãnantɛo, o wari kè ari í sìwá, de òsun gõ á gbẽkenɛ aso ũro yãí. <sup>9</sup> Ó a zé vĩ à kpáwáí, ama o kè le de à ó ágba sé yãime. <sup>10</sup> Gɔɔ kũ ó kú kááo, o òte kũ gbẽ kũ à ye zĩkenaaairo ni pó blero. <sup>11</sup> O mà kũ á gbẽkenɔ ma'ã vĩ, òdi póke kopiro, séde gude. <sup>12</sup> O òte gbẽ bire takanɔne, o

nańne Dikiri Yesu Kirisii, ò vuteki kũ ò zĩ ke ò nĩ zĩda gwa.

<sup>13</sup> Ákõnõ sõ ó gbẽnõ, àsun kpaša kũ yāmanakenaaro. <sup>14</sup> Tó gbēke dí yā kũ o òáre takada dí gūn daro, à a yā bo à díte. Àsun kakara kāaro, de wé'i le à a kũ yāi. <sup>15</sup> Ama àsun a sé á ibere ūro, à lé daa á gbēndo ū.

<sup>16</sup> Dikiri Aafiade á gba aafia goro sīnda pínki yā sīnda pínki gūn. Dikiri gō kú kāáo á pínki. <sup>17</sup> Makū Polu makū mé ma fōkpamma dīkīna kē kũ ma zĩda o. Abirekūme ma takada pínki sēda ū, len madì kē le. <sup>18</sup> Ó Dikiri Yesu Kirisi gbēke keáre á pínki.

**Luda yá takada kú Bisá yáo**  
**Portions of the Holy Bible in the Busa language of**  
**Nigeria**

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

---

PDF generated using Haiola and XeLaTeX on 11 Nov 2022 from source files dated 9 Oct 2020

8631d380-7d17-5581-abf9-174814e8ccc3